



Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 1. Exacta circa Ritus Sinensis decretorum observantia a summo Pontifice præcepta.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)




HISTORIÆ ECCLESIASTICÆ

CONTINUATÆ.

LIBER CCXVII.

CLEMENS XI. PONTIFEX MAXIM.
CAROLUS VI. ROM. IMP.



§. I.

*Exacta circa Ritus Senenses decreto-
rum observantia a summo Pon-
tifice præcepta.*

Sæc. XVIII.
A. C. 1715.

Quamvis Michael Tamburinus So-
cietatis Generalis unacum suis
Assistentibus, & Provinciarum Procu-
Hist. Eccles. Tom. LXIX. A rato-
Bull. magn. Const. 78. pag. 155.

Sæc. XVIII. A. C. 1715. ratoribus, necnon FF. Prædicatorum, Augustinianorum & Franciscanorum Generales suis quisque Missionariis in Sinarum Imperio laborantibus in caussa Rituum Sinensium exactam postremi decreti Pontificii observantiam injunxissent, nihilominus non sine intimo animi sui mærore Pontifex compererat, quod nonnulli, ac præcipue illi, qui S. Sedis auctoritatem sese quam maxime revereri, & humili & obsequenti animo illius judicio sese omnino subicere profiterentur, tam Pontificis, quam Cardinalis Turnonii mandatum variis effugiis, & prætextibus eluderent: Ut ergo contumaces ejusmodi homines tandem aliquando frænaret, eosque ad perfectam decretorum observantiam adigeret, hoc rursus anno die decima nona Martii Constitutionem Apostolicam, quæ incipit: *Ex illa die* promulgavit, omnesque obtentus ad eludendam ejusmodi Decretorum executionem adinventos rejecit. *Responsa*, inquebat Pontifex, quæ ad varias quæstiones super ejusmodi rebus excitatas prævio diuturno examine dudum, videlicet tempore fel. rec. Innocentii Papæ XII. prædecessoris nostri inchoato, ac deinde jussu nostro per plures annos continuato, auditisque utriusque partis rationibus, necnon complurium Theologorum & Qualificatorum sententiis a Congrega-

Acta causs.

Rit. p. 82.

Polid. vit.

Et res. gest.

Clem. XI.

Bull. Bened.

dict. XIV.

quæ incipit.

Ea quo singulari.

gregatione venerabilium Fratrum nostrorum Sæc. XVIII.
sanctæ Romanæ Ecclesiæ Cardinalium in A. C. 1715.
tota Republica Christiana generalium In-
quisitorum adversus hæreticam pravitatem
authoritate Apostolica deputatorum data
fuerunt, Nos die 20. Novembris 1704.
eadem authoritate confirmavimus & ap-
probavimus.

Ea autem, quæ in Responsis hujusmodi
 decreta fuerunt, sunt, quæ sequuntur. Cum
 „Deus optimus maximus congrue a-
 „pud Sinas vocabulis Europæis ex-
 „primi nequeat, ad eundem Deum ve-
 „rum significandum vocabulum *Thien*
 „*Chu*, hoc est, Cæli Dominus, quod
 „a Sinensibus Missionariis & Fidelibus
 „longo ac probato usu receptum esse
 „dignoscitur, admittendum esse: No-
 „mina vero *Tien* Cælum, *Xang Ti*
 „supremus Imperator penitus rejicien-
 „da. Idcirco tabellas cum inscriptione
 „*Sinica King Tien, Cælum colito*, in Ec-
 „clesiis Christianorum appendi, seu
 „jam appensas imposterum inibi reti-
 „neri permittendum non esse.”

„Ad hæc nullatenus, nullaque de
 „caussa permittendum Christi fidelibus,
 „quod præsent, Ministrent, aut inter-
 „sint solemnibus sacrificiis, seu obla-
 „tionibus, quæ a Sinensibus in utro-
 „que æquinotio cujuscunque anni Con-
 „fucio, & progenitoribus defunctis fieri

Sæc. XVIII. „solent, tanquam superstitione imbutis.
A. C. 1715. „Similiter nec esse permittendum, quod
 „in ædibus Confucii, quæ Sinico no-
 „mine *Miao* appellantur, iidem Christi-
 „fideles exerceant ac peragant cære-
 „monias, Ritus, & oblationes, quæ in
 „honorem ejusdem Confucii fiunt,
 „tum singulis Mensibus in Novilunio
 „& Plenilunio a Mandarinis, seu pri-
 „mariis Magistratibus, aliisque officia-
 „libus & literatis, tum ab iisdem Man-
 „darinis, seu Gubernatoribus, ac Ma-
 „gistratibus, antequam dignitatem ad-
 „eant, seu saltem post ejusdem posses-
 „sionem adeptam: tum denique a lite-
 „ratis, qui postquam ad gradum sunt
 „admissi, e vestigio ad Templum, seu
 „ædem Confucii se conferunt. Præ-
 „terea non esse committendum Chri-
 „stianis in Templis, seu ædibus pro-
 „genitoribus dicatis oblationes minus
 „solemnes eisdem facere, nec in illis
 „Ministrare, aut quomodolibet inservire,
 „vel alios Ritus, & Cæremonias per-
 „agere. „

„Item nec esse permittendum præ-
 „fatis Christianis oblationes, Ritus &
 „cæremonias hujusmodi coram proge-
 „nitorum Tabellis in privatis Domibus
 „sive in eorum progenitorum sepulchris,
 „sive antequam defuncti sepulturæ tra-
 „dantur, in eorum honorem fieri con-
 „sue

„suetas, unacum gentilibus, vel feor- Sæc. XVIII.
 „sim ab illis peragere, eisque mini- A. C. 1715.
 „strare, aut interesse, imo prædicta
 „omnia utpote quæ perpensis hinc inde
 „deductis, necnon diligenter, ac ma-
 „ture discussis omnibus, ita peragi
 „comperta sunt, ut a superstitione se-
 „parari nequeant, Christianæ legis
 „cultoribus nequidem permittenda esse
 „præmissa publica vel secreta protesta-
 „tione, se non religioso, sed civili, ac
 „politico tantum cultu erga defunctos
 „illa præstare, nec ab eis quidquam
 „petere aut sperare.,

„Non tamen per hæc censendam
 „esse damnatam præsentiam illam, seu
 „assistentiam mere Materialem, quam
 „cum gentilibus superstitionosa peragen-
 „tibus, citra ullam five expressam,
 „sive tacitam gestorum approbationem,
 „ac quovis Ministerio penitus secluso,
 „eisdem superstitionosis actibus quando-
 „que præstari contingat a Christianis,
 „cum aliter odia, & inimicitæ vitari
 „non possunt, facta tamen prius, si
 „commode fieri poterit, fidei protesta-
 „tione, ac cessante periculo subver-
 „sionis.,

„Demum permittendum non esse
 „Christifidelibus Tabellas, defuncto-
 „rum progenitorum in suis privatis do-
 „mibus retinere juxta illarum partium

Sæc. XVIII. „morem, hoc est, cum inscriptione Si-
A. C. 1715 „nica, qua Thronus, seu Sedes spi-
 „ritus vel animæ N. significetur, imo
 „nec cum alia, qua Sedes seu Thro-
 „nus, adeoque idem, ac priori, licet
 „magis contracta inscriptione, designari
 „videatur. Quo vero ad Tabellas solo
 „defuncti nomine inscriptas, tolerari
 „posse illarum usum, dummodo in eis
 „conficiendis omittantur omnia, quæ
 „superstitionem redolent, & secluso
 „scandalo, hoc est, dummodo, qui
 „Christiani non sunt, arbitrari non pos-
 „sint, Tabellas hujusmodi a Christianis
 „retineri ex mente, qua ipsi illas reti-
 „nent, necnon adjecta insuper decla-
 „ratione ad latus ipsarum Tabellarum
 „apponenda, qua & quæ sit Christia-
 „norum defunctis fides, & qualis fi-
 „liorum ac Nepotum in Progenitores
 „pietas esse debeat, enuntietur. „

„Per præmissa nihilominus non ve-
 „tari, quominus erga Defunctos per-
 „agi possint alia, si quæ sint, ab iis
 „gentibus peragi consueta, quæ vere
 „superstitiosa non sint, nec superstitio-
 „nis speciem præferant, sed intra li-
 „mites civilium & politicorum Rituum
 „contineantur. „

„Porro quænam hæc sint, & qui-
 „bus adhibitis cautelis tolerari valeant,
 „tum pro tempore existentis Commis-
 „sarii,

„sarii, & visitatoris Generalis Aposto-
 „lici, seu ejus vices exercentis in Im-
 „perio Sinarum tum Episcoporum, &
 „Vicariorum Apostolicorum illarum
 „partium judicio relinquendum esse,
 „qui tamen interea omni quo poterunt
 „studio, ac diligentia curare debebunt,
 „ut gentium Cæremoniis penitus sub-
 „latis illi sensim a Christianis & pro
 „Christianis hac in re usu recipiantur
 „ritus, quos Catholica Ecclesia pro
 „Defunctis pie præscripsit.

Sæc. XVIII.
 A. C. 1715.

Post hæc vero labente fere sexennio, nempe die 25. Septembris 1710. auditis iterum dictorum Cardinalium, qui rem mature, ac diligentissime discussissent, suffragiis, eadem Responsa necnon Mandatum, seu Decretum, quod illis expresse inhærendo a piæ record. Carolo Thoma, dum vixit ejusdem sanctæ Romanæ Ecclesiæ Cardinali de Turnon nuncupato, tunc Patriarcha Antiocheno, Commissario, & Visitatore Apostolico Generali præfato imperio Sinarum die 25. Januarii 1707. edictum fuit, ab omnibus & singulis, ad quos spectabat inconcusse, & inviolabiliter sub censuris & pænis in Mandato, seu Decreto hujusmodi expressis observanda esse decrevimus: Quovis contra faciendi quæsito colore, seu prætextu penitus sublato, ac potissimum non obstante quacunque appellatione a quibusvis perso-

Sæc. XVIII. nis ad Nos, & Sedem Apostolicam in-
 A. C. 1715. terposita, quam propterea prorsus reji-
 ciendam esse similiter decrevimus, ac re-
 ipsa rejicimus, prout in Decreto hac de
 re edito fusius continetur.

Hæc omnia plene & abunde sufficere
 debuissent, ut ea, quæ inimicus homo su-
 perseminaverat Zizania ex agro illo ra-
 dicitus evellerentur, fidelesque omnes No-
 stris & hujus sanctæ Sedis Mandatis ea,
 qua par est, humilitate & obedientia ob-
 sequerentur; præsertim cum in calce Re-
 sponsoꝝ prædictoꝝ a Nobis, sicut
 præmittitur, confirmatoꝝ, & approba-
 toꝝ causam jam finitam esse apertis,
 & perspicuis verbis pronuntiatum fuit.

Verum cum, sicuti ex eisdem parti-
 bus, non sine intimo animi nostri dolore,
 ad nostri pervenit Apostolatus auditum,
 tam enixe a Nobis præscripta Responso-
 rum hujusmodi executio male a plerisque
 sive vano, falsoque obtentu, quod illa a
 Nobis suspensa fuerint, vel minus legiti-
 me promulgata, sive conditionum, ut per-
 peram asseritur, in eis insitarum, & ante
 executionem ipsam verifiandarum facto-
 rumque, super quibus ipsa emanarunt, non
 justificatoꝝ ratione, sive ulteriorum a
 Nobis ea in re edendarum declarationum
 colore, sive gravium, quæ tam Missiona-
 riis quam Missioni ipsi ex demandata exe-
 cutione obvenire possint, periculorum for-
 midine:

midine: sive demum Decreti dudum nempe Sæc. XVIII.
 die 23. Martii 1606. super ejusmodi Ri- A. C. 1715.
 tibus, seu cæremoniis Sinicis a præfata
 Congregatione Cardinalium editi, ac a
 rec. mem. Alexandro Papa VII. etiam
 prædecessore nostro approbati prætextu.
 Non sine gravi Pontificiæ Nostræ autho-
 ritatis injuria, Christifidelium scandalo,
 ac salutis animarum detrimento, satis diu
 multumque eludatur ac saltem nimium re-
 tardetur.

„Hinc est, quod Nos ex commisso
 Nobis divinitus Apostolicæ servitutis
 munere, difficultates, tergiversationes,
 subterfugia, & prætextus hujusmodi pe-
 nitus, & omnino e medio tollere ac
 rejicere, necnon Christifidelium quieti,
 animarumque saluti, quantum Nobis
 ex alto conceditur, prospicere cupien-
 tes, de eorundem Cardinalium consi-
 lio, ac etiam motu proprio, & ex certa
 scientia, & matura deliberatione No-
 stris, deque Apostolicæ potestatis ple-
 nitudine omnibus & singulis Archiepi-
 scopis & Episcopis in supradicto Sina-
 rum Imperio, aliisque ei conterminis,
 sive adjacentibus Regnis ac provinciis
 nunc & pro tempore quodocunque
 existentibus sub suspensionis ab exer-
 citio Pontificalium, & interdicti ab in-
 gressu Ecclesiæ: eorum vero officiali-
 bus ac vicariis in spiritualibus genera-
 libus,

Sæc. XVIII. libus, aliisque illorum locorum Ordini-
 A. C. 1715. nariis, ac etiam Vicariis Apostolicis,
 qui Episcopi non sint, eorumque Pro-
 vicariis, necnon Missionariis tam sæ-
 cularibus quam cujusvis Ordinis, Con-
 gregationis, Instituti, & Societatis, e-
 tiam Jesu Regularibus, sub excommu-
 nicationis latæ sententiæ, a qua nemo
 a quoquam præterquam a Nobis, seu
 Romano Pontifice pro tempore exi-
 stente nisi in mortis Articulo constitu-
 tus, absolvi possit; & quo ad Regula-
 res etiam privationis vocis activæ, &
 passivæ pœnis per contrafacientes ipso
 facto absque alia declaratione incur-
 rendis, tenore præsentium præcipimus,
 & in virtute sanctæ Obedientiæ man-
 damus, ut Responsa præinserta om-
 niaque & singula in eis contenta ex-
 acte, integre, absolute, inviolabiliter,
 & inconcusse observent, ac ab eis,
 quorum cura ad illos spectat similiter
 observari, quantum in ipsis est, curent,
 & faciant: Neque illis sive ullo ex su-
 perius expressis, sive alio quovis titulo,
 causa, occasione, colore, vel prætextu
 contra venire, quodammodo audeant,
 vel præsumant. „

„Præterea motu, scientia, deli-
 beratione, & potestatis plenitudine pa-
 ribus, harum serie statuimus & sub eis-
 dem excommunicationis reservatæ, ac
 priva-

privationis vocis activæ & passivæ pœ- Sæc. XVIII.
 nis ordinamus, ut omnes & singuli Ec- A. C. 1715.
 clesiastici tam sæculares, quam præ-
 dictorum ordinum, Congregationum, In-
 stitutorum, & societatum, etiam Jesu,
 Regulares, ad Sinas, aliave præfata
 Regna, & Provincias, sive ab hac
 sancta Sede, sive etiam ab eorum su-
 perioribus missi, & quodocunque in
 posterum mittendi, cujusvis tandem
 tituli, aut facultatis vigore illic exi-
 stant, vel in futurum extiterint: Missi
 scilicet statim, ac præsentis literæ eis
 innotuerint, mittendi vero, antequam
 ibidem aliquod Missionarii munus
 exercere incipiant, Juramentum de fi-
 deliter, integre, & inviolabiliter ob-
 servando ejusmodi præcepto, ac Man-
 dato nostro juxta formulam in præsen-
 tium litterarum calce annotandam, in
 manibus commissarii, & visitoris Apo-
 stolici in præfato imperio Sinarum pro
 tempore existentis, vel alterius ab illo
 deputati, sive eo deficiente in manibus
 Episcoporum, ac Vicariorum Apostoli-
 corum dictarum partium, in quorum re-
 spectiva jurisdictione commorantur vel
 commorabuntur, aut aliorum ab eis
 deputatorum in eisdem partibus exi-
 stentium, præstare omnino debeant,
 ac teneantur, ita ut ante præstationem
 juramenti hujusmodi, & subscriptio-
 nem

Sæc. XVIII. nem sub eadem formula ab uno quo-
 A. C. 1715. que, qui juramentum ipsum præstite-
 rit, propria manu faciendam, nullum
 Missionarii munus continuare, aut exer-
 cere, imo nec tanquam deputati ab
 Episcopis, seu Ordinariis locorum, aut
 tanquam simplices suæ Religionis Pres-
 byteri, sive alio quovis titulo, causa,
 seu Privilegio, de quibus expressa,
 specialis, & specialissima esset facienda
 mentio, Christi fidelium Confessiones
 audire, concionari, aut sacramenta
 quomodolibet administrare ullo modo
 valeant, nullisque omnino facultati-
 bus, sive sibi speciatim, sive suis re-
 spective Ordinibus, Congregationibus,
 Institutis, societatibusque, etiam Jesu
 hujusmodi generaliter a Sede præfata
 concessis uti possint, sed quoad eos,
 præter, & ultra superius expressas pœ-
 nas, omnes & singulæ facultates præ-
 dictæ omnino cessent, nulliusque ro-
 boris sint, & esse censeantur.,

„Omnia autem juramenta hujusmodi
 per quoscumque Missionarios tam sæ-
 culares, quam Regulares, in memo-
 ratorum sive Commissarii & visitatoris
 Apostolici pro tempore existentis sive
 Episcoporum, aut Vicariorum Apосто-
 licorum manibus, sicut præmittitur,
 præstanda, postquam subscriptione mu-
 nita fuerint vel saltem authentica illo-
 rum

rum exempla per eosdem Commissarium vel Visitatorem Apostolicum pro tempore existentem, Episcopos & Vicarios Apostolicos ad præfatam Congregationem Cardinalium, quanto citius fieri poterit, transmittantur.

Superiores vero Regulares cujusvis Ordinis, Congregationis, institui, & Societatis etiam Jesu, illic nunc, & pro tempore existentes sub eisdem pœnis teneantur, non solum idem juramentum, in præfatorum sive Commissarii, & Visitatoris Apostolici pro tempore existentis, sive Episcoporum, aut Vicariorum Apostolicorum manibus juxta modum supra præscriptum præstare, ejusque formulæ subscribere, sed etiam illius præstationem a suis respective subditis exigere, ac authentica ea super re documenta quam primum transmittere ad summos respective Superiores Generales, qui illa memoratæ Congregationi Cardinalium statim tradere debebunt.

Decernentes easdem præsentis literas, & in eis contenta quæcunque etiam ex eo, quod prædicti, & alii quicumque in præmissis interesse habentes, seu habere quomodolibet prætendentes cujusvis status, gradus, Ordinis, præminentiae, & dignitatis existant, seu alias specifica & individua mentione,

&

Sæc. XVIII.
A. C. 1715.

Sæc. XVIII. & expressione digni illis non consense-
A. C. 1715. rint, nec ad ea vocati, citati, & au-
 diti, causæque, propter quas præsentis
 emanarint, sufficienter adductæ, verifi-
 catæ, & justificatæ non fuerint, aut
 ex alia qualibet, etiam quantumvis ju-
 ridica, & privilegiata causa, colore,
 prætextu & capite, etiam in corpore
 juris clauso, etiam enormis, enormis-
 simæ & totalis læsionis, nullo unquam
 tempore de subreptionis, vel obreptionis,
 aut nullitatis vitio, seu intentionis
 nostræ, vel interesse habentium con-
 sensus, aliove quolibet, etiam quan-
 tumvis magno, & substantiali ac inex-
 cogitato, & inexcogitabili, indivi-
 duamque expressionem requirente de-
 fectu notari, impugnari, infringi, in-
 validari, retractari, in controversiam vo-
 cari, aut ad terminos juris reduci,
 seu adversus illas apertionis oris, resti-
 tutionis in integrum, aliudve quod-
 cumque juris, facti, vel gratiæ reme-
 dium intentari, vel impetrari, aut im-
 petrato seu etiam motu, scientia, &
 potestatis plenitudine paribus concessio,
 vel emanato, quempiam in iudicio,
 vel extra illud, uti, seu se juvare ullo
 modo posse; sed ipsas præsentis lite-
 ras semper firmas, validas & efficaces
 existere, & fore, ac quibuscunque
 juris, seu facti defectibus, qui adversus
 illas,

illas, etiam quorumcunque a Sede præ- Sæc. XVIII.
 fata concessorum privilegiorum præ- A. C. 1715.
 textu, ad effectum impediendi, seu
 retardandi earum executionem, quo-
 vis modo, seu ex quavis causa opponi,
 seu objici possent, minime refragan-
 tibus, suos plenarios, & integros ef-
 fectus sortiri & obtinere: easque pro-
 pterea, omnibus & singulis quomodo-
 libet allatis, seu afferendis impedimen-
 tis penitus, & omnino rejectis ac ne-
 quaquam attentis, ab illis, ad quos
 spectat, & pro tempore quandocum-
 que spectabit, inviolabiliter, & incon-
 cussè observari; sicque, & non aliter
 in præmissis per quoscumque Judices
 ordinarios, & delegatos, etiam caus-
 farum Palatii Apostolici Auditores, ac
 ejusdem sanctæ Romanæ Ecclesiæ Car-
 dinales, etiam de latere Legatos, &
 præfatæ Sedis Nuntios aliosve quos-
 libet quacumque præeminentia, & po-
 testate fungentes & functuros, sublata
 eis, & eorum cuilibet quavis aliter ju-
 dicandi & interpretandi facultate, &
 autoritate judicari, & definiri debere,
 ac irritum, & inane, si secus super his
 a quoquam quavis autoritate, scien-
 ter, vel ignoranter contigerit at-
 tentari.,

„Non obstantibus præmissis, & qua-
 tenus opus sit, nostra & Cancellariæ
 Apo-

Sæc. XVIII. Apostolicæ Regula de jure quæsito non
A. C. 1715. tollendo, aliisque Apostolicis, ac in
 universalibus provincialibusque, & Syno-
 nodalibus conciliis editis generalibus,
 vel specialibus constitutionibus, & or-
 dinationibus; necnon quorumcunque,
 ordinum, Congregationum, instituto-
 rum & societatum, etiam Jesu, ac qua-
 rumvis Ecclesiarum & aliis quibuslibet,
 personis etiam juramento, confirmatione
 Apostolica, vel quavis firmitate alia robo-
 ratis, statutis, & consuetudinibus, ac
 præscriptionibus quantumcunque lon-
 gissimis & immemorabilibus, Privile-
 giis quoque indultis & literis Apосто-
 licis Ordinibus, Congregationibus, In-
 stitutis, & Societatibus, etiam Jesu,
 ac Ecclesiis prædictis, aliisque quibus-
 libet personis, etiam quantumvis sub-
 limibus, & specialissima mentione di-
 gnis a Sede prædicta ex quacunque
 causa, etiam per viam contractus, &
 remunerationis, sub quibuscunque ver-
 borum tenoribus, & formis, ac cum
 quibusvis, etiam derogatoriis de-
 rogatoriis, aliisque, efficacioribus,
 efficacissimis & insolitis clausulis, irri-
 tantibusque & aliis decretis, etiam
 motu, scientiâ & potestatis plenitudine
 similibus, seu ad quarumcunque persona-
 rum etiam Imperiali, regali, alicujus
 qualibet mundana, vel Ecclesiastica
 digni-

dignitate fulgentium instantiam, aut Sæc. XVIII.
 earum contemplatione, seu alias quo- A. C. 1715.
 modolibet in contrarium præmissorum
 concessis, editis, factis, ac pluries ite-
 ratis, ac quantiscunque vicibus appro-
 batis, confirmatis, & innovatis. Qui-
 bus omnibus & singulis, quamvis pro
 illorum sufficienti derogatione de illis
 eorumque totis tenoribus specialis, spe-
 cifica, expressa, & invidua ac de verbo
 ad verbum, non autem per clausulas
 generales idem importantes mentio,
 seu quævis alia expressio habenda, aut
 aliqua alia exquisita forma ad hoc ser-
 vanda foret, tenores hujusmodi, ac si
 de verbo ad verbum nihil penitus om-
 misso, & forma in illis tradita obser-
 vata, exprimerentur, & infererentur,
 præsentibus pro plene & sufficienter
 expressis, & insertis habentes, illis a-
 lias in suo robore permanfuris, ad præ-
 missorum effectum hac vice dumtaxat
 specialiter & expresse derogamus, &
 derogatum esse volumus, cæterisque
 contrariis quibuscunque: *Formula au-
 tem juramenti, sicut præmittitur præstandi
 est, quæ sequitur, videlicet.*

Ego N. Missionarius ad Sinas vel
 ad Regnum N, vel ad Provinciam
 à Sede Apostolica, vel a Superioribus
 meis juxta facultates eis a Sede Apo-
 stolica concessas missus, vel destinatus,
Hist. Eccles. Tom. LXIX. B præ-

Sæc. XVIII.
A. C. 1715.

præcepto, ac Mandato Apostolico super Ritibus & cæremonis Sinensibus in constitutione sanctissimi Domini nostri Domini Clementis Divina Providentia Papæ XI. hac de re edita, qua præsentis juramenti formula præscripta est, contento, ac mihi per integram ejusdem constitutionis lecturam optime noto, plene, ac fideliter parebo, illudque exacte, absolute, ac inviolabiliter observabo, & absque ulla tergiversatione adimplebo; si autem, quod Deus avertat, quoquo modo contravenerim, toties quoties id e-
venerit, pœnis per prædictam constitutionem impositis me subjectum agnosco, ac declaro. Ita tactis sacrosanctis Evangeliiis promitto, voveo, & juro, *sic me Deus adjuvet, & hæc sancta Dei Evangelia. Ego N. manu propria.*

„Cæterum volumus, & expresse mandamus, ut eædem præsentis literæ, seu earum exempla, etiam impressa, notificentur, & intimentur omnibus & singulis memoratorum Ordinum, Congregationum, Institutorum, & Societatum, etiam Jesu, superioribus generalibus, & procuratoribus generalibus ad hoc, ut tam suo, quam prædictorum eis respective subditorum seu inferiorum Nomine, ipsas literas fideliter exequi, & observare spondeant,
actum-

actumque Sponsionis hujusmodi in scri-
 ptis reddant: earum vero exempla
 prædicta pluribus viis, quanto citius
 fieri poterit, transmittant ad eosdem
 subditos, seu inferiores in Sinis aliisque
 Regnis & Provinciis supradictis degen-
 tes, cum arctissimis præceptis easdem
 literas, & in eis contenta quæcunque
 plenarie, & integre, ac vere, realiter,
 & cum effectu in omnibus, & per om-
 nia similiter exequendi, & observandi.
 Quia vero difficile literas foret hujus-
 modi originales ubique ostendi, & pu-
 blicari, volumus pariter, & decerni-
 mus illarum transumptis, seu exem-
 plis, etiam impressis, manu alicujus
 Notarii publici subscriptis, & sigillo
 personæ in Ecclesiastica dignitate con-
 stitutæ munitis, eandem prorsus fidem
 tam in judicio, quam extra illud, ubi-
 que locorum haberi, quæ haberetur
 ipsis præsentibus, si forent exhibitæ,
 vel ostensæ.,,

Quod autem inobedientes, & ca-
 ptiosi quidam Missionarii huic quoque
 Constitutioni Apostolicæ sese opposue-
 rint, testantur tam Benedicti XIII.
 Clementis XII: quam Benedicti XIV.
 querelæ, ac iteratæ Constitutiones,
 quas suo loco referemus: Fertur quo-
 que, quod pertinaces Rituum prohibi-
 torum defensores non modo edictum,

Sæc. XVIII.
 A. C. 1715.

*Abregé
 Chronol. de
 l'Hist. Eccl.
 t. 3. p. 522.*

Sæc. XVIII. quo præfatæ Constitutionis Pontificiæ
A. C. 1715. observantia prohibebatur, a Sinarum
 Imperatore obtinuerint, sed etiam il-
 los, qui sese Pontificis mandato sub-
 jecerunt, dire vexarint, quamvis Pon-
 tificex jam die trigesima Martii Joan-
 nem Lusitaniæ Regem impense rogaf-
 set, ut suam Bullam, cujus bina ei-
 dem exemplaria submisit, ab ejus Mi-
 nistris præcipue Goanis & Macaonensi-
 bus, non impediri & interposita im-
 pedimenta submoveri, curare vellet.

§. II.

*Actum in Galliis in Nationali Con-
 cilio pro coercendis Præsulibus
 refractariis.*

*Lafiteau
 Hist. de la
 Const. l. 2.
 pag. 65.
 D'Orsanne
 Journal
 pag. 139.*

Postquam Cardinalis Noaillius suam
 Instructionem Pastoralem ad Epi-
 scopos sibi adhærentes transmiserat,
 non modo Pontificis, sed & Franciæ
 Regis indignationem acrius in se con-
 citavit: solus Polignacus Cardinalis
 Noaillii patrocinium in se susceperat,
 qui etiam datis Romam literis Tremol-
 lium rogabat, ut Pontificem eo incli-
 nare vellet, quatenus Noaillii instru-
 ctionem acceptationi præmissam ratam
 haberet: Hac super re Tremollius cum
 Cardinale Fabronio contulit, qui ta-
 men eidem respondit, prius Constitu-
 tionem